

忠雅堂文集

忠雅堂文集卷七

詩七

鉛山 蔣士銓 心餘

王禮堂

鳴盛

學士新居有青棠二株作詩詠之子南隣

李杏圃

殺

侍御宅亦有一株覆子苑牆乃爲二詩以答

二首

美蔭過牆一蓋圓歡能相合念能蠲閒措老屋看花眼不問南
隣種樹年艸木有情知且算風蘿隨意助便娟朝曦午旭尋常
過分受清涼枕簟前

吾廬宜住懶眠巷學士新居宣武坊下直扇封雙白板中庭徒
倚兩青棠老樹著花存妙理主人留客話年光黃昏睡態無須
照恰對軒南息偃牀

生趣

閒居遣意病終日永晝共眠書半牀門外市聲空窅耳樹頭生
趣媚朝光倦眼喜開新雨後深衣疑在古人旁風鈴不語簾垂
地起嗅餅花無限香

題盧紹弓

文昭

編修檢書圖四首

六籍有至味饒夫嗜腥羶酒肉繞絲竹饜飫時世賢蕭齋好學
者萬卷圍一瓊讀書人海中詠歎操微權衆耳不解聽其聲上
聞天冷月出高樹豔豔穿屋椽

厭客困語言所急名與官藉堯設空堂韓公良已然蜉蝣笑老
蠹食字求神仙緬懷經綸手伏几誠可憐隨身短鐙檠相倚爲
壽年擇術貴自存未可棄一編古人不長生神氣聊與傳

珥筆垂華纓作者豈不多沒齒權勢盡無奈千載何先生味道
人寂然事編摩偶作文字官足配冠峩峩豈惟當世稱名字將

不磨鴻儒列高第誰復相譏訶

擾擾百歲中其志皆可嗜好異歛趣一卷長抱持俯默成靜
者澹泊如微時智慧勞精神樂在焉敢辭君不求令聞譽者寧
盡私此日足可惜來日復有誰木榻當鄰穿心苦亦何居

困雨戲作二首

重檐忽散千條練小院平添一斗泥
穉子寒裳愁滅沒家人裹足隔東西
牆如壤堞留三版屋比荒田恃一堤
較可阻風船上坐碧油簾下少堪驚

熟梅天氣故鄉邨那及連朝濕霧屯
車泛九衢塵似海客來深巷水封門
堂坳自具江湖勢屋漏都縣篆籀痕
夜火星星出窗戶小池涵泳破黃昏

雨中聞王琴德舍人至京眷屬同居禮堂學士宅詩以

東之三首

一經齋酒三年夢不識故人何處留彩筆干霄傳賦手好風吹
汝到皇州冰銜頭地同官讓才子高名此職優料理直廬持被
臥晚涼應透瘦生裯

鏡下看吾別後詩花前可要認須眉蠶牽新繭萬千緒人異少
年三五時自照只憑心作鏡早衰無那鬢成絲酒酣斫地因何
事除卻王郎總不知

耐可烹茶當酒肴合歡花作紫荊交圖書雞犬喜同姓風雨鶴
鴛來共巢曲牖安牀宏美睡小鬟掃地要親教鳳池仍用絲綸
手聊與詩人續解嘲

看書

老眼觀書如讀畫峯巒谿壑太分明成文波縵循行出著紙爐

雲逐字生窈窕態空橫側看飛凌心許破空行百回愈見軒昂
甚舉手捫來覺未平

庭花

幾時詩骨比人瘦昨夜雨聲隨病來永日杜門天空闊高情懷
古興悲哀歸于時命誇奇遇說到經綸想大才孤負庭花爭爛
漫倦眸常是不曾開

真樂

長齋看母攤經卷曉讀聽兒誦國風廿口餐糜留骨在一鐺和
藥與妻同貧到團樂真樂見官無束縛世緣空平生未敢忘溝
壑還爲諸賢任固窮

張吟鄉至京喜爲長歌

三十初度泊姑胥無屋卻借官船居醉埽虎邱石壁書虎氣入

筆驚闕閭歸船昏黑墮江底手挽舵牙腳踏魚躍水立船送君
去寒藻挂面裘袴濡天明君來繞臥榻我悔未摘龍領珠枯腸
飲河覺少潤睥睨震澤如溝渠別來彈指忽五載中聞尺素頗
不疎聞君獻賦官未除但有賢婦憐相如藥煙縷縷橫綺疏垂
死病中憶心餘我方事母栖田廬夜夢鬼伯促登輿延我上座
吏睢盱約以冬至鞭魅魘我此冥官鬼蜮縮縮覺告我母母涕泣
母禮北斗禳帝車神力挽救乃活子買船奉母載妻孥浮江涉
海憂患殊火焚水溺與母俱出入生死賸皮骨神賊鬼害天公
扶一官閉門謝走趨六經分壞手自鉏有時飲酒說忠孝古人
滿卷眞吾徒奴出買藥報君至病步造門執子祛語言雜碎齒
舌憊問對不給聊相於引鑑看面各憔悴死去復見敢厭臞別
後新詩累篇秩覽之若佩瓊瑤琚文詞智慧少年技慎勿過巧

齊公輪滿眼華筵樂歌舞公等聰明我獨愚此身不死敢弭謗
貧病未足困我軀道人有隣道不孤友子無異黃友蘇蕭齋但
可數來止共作雅頌歌黃虜

送熊肖石南歸

人海拍浮不肯居急裝手抱河渠書笑騎快馬隨鋒車去佐使
者游澤潞司農治河先治畦相度伊維憑淮徐砮然分穿百道
渠血脈通貫痼疾舒經年宣塞延道固樅石不畏鬱勃魚豫州
底定墳壤奠厥田中上開菑畲一鐙寂寂照行幕主人蒿目客
乃吁畫灰夜對訂謀略按圖曉出巡田廬醞釀豐亨換漉澹撫
摩枯瘠生肌膚君能載筆紀聞見鑱刻雅頌歌哭俱功成返轡
主賓喜詩卷小納洋洋區九河倒瀉入胸膈吞吐潮海凌韓蘇
江山助人長奇氣吏治化汝爲真儒他年百川在手掌白圭不

敢來睢盱當時對榻歷青交縱觀海岱周東隔六年彈指一再
見是夢是覺皆蘧蘧國門轉側送君去別意繚繞歸人裾君爲
老鰥十七載昔年白首今有須牽牛涉波誰知候河伯娶婦誰
作巫萱堂暗覓九年綫桂殿早植三秋株棲遲且理鹽鐵論管
子富國古有諸經綸在胸窮不死書史滿腹遇必殊匡時何策
可 廷對澆學賈讓謙臣愚

題何孺人遺像二首

鳳有高梧玉有芽勝他徐淑配秦嘉如何忽露從軍影一卷韜
鈴一鑊鉞

遺挂蠨蛸網細塵鰈魚纒現宰官身行邊目斷桃花馬去看秦
雲似美人

送趙方白

寧靜

還南豐省母二首

歷落嶽寄一老翁長眉深目面如童偶然萬里作行腳今欲九
秋隨去鴻藥裹詩瓢驢負載世緣塵味酒消融卅年看徧圍棋
手都在山人覆局中

漢陰久息丈人機與物周旋本願違老愛讀書原好學秋來懷
母便言歸共看慈竹孝烏繞君有故廬山翠圍七發安能起予
疾只須常寄藥苗肥

答玉亭

自掩魚扉歎索居輕裘何日賦歸歎木棉閒放姊尋妹么鳳對
鳴兒讀書人在艱辛當解悟佛言因果有乘除銀蟾未必終沈
海甘味將回諫果如

蔡葛山新司寇澄懷八友圖二首

水木清華退食同直疑樓閣在虛空地臨海淀兼三島人異淮

南正八公春滿雲邊天尺五畫聞花外漏丁東仙源小聚文星

影照取須眉一鑑中

東序談經佩黻連天分靈境坐羣仙笑臨池水知心迹同要松
身作壽年畫裏卻兼詩爛漫人間無此地幽偏好風香帶圖書
氣春在先生杖履邊

雜詩四首

己卯

多願實自苦無常乃爲病守約而有恒我則立其命熟觀修齊
理求福亦有柄算短乎苟得督者昧所竟從俗豈不好竊懼傷
直性省躬識處途應物畏機筭棄良可取吾亦順吾正
既貴而忘賤其貴寧可久況以易盡身于樂無不受聚歛亦太
勞但爲耗者誘心憂日中昃及時聊鼓缶德敗失所強何物聽
防守無驕爲至樂寡欲則常壽當身營石椁不如死速朽

嘉卉敷穠華其質本未堅榮悴春風中婀娜誠可憐柔者悅其
媚時來挹芳鮮叢生美易盡驚颺起其前爭榮各有時但惜無
常妍如何蜂蝶心戀之不舍旃

曉飲花上露朝氣盈我懷栖禽未及窺羣動寧與偕翔陽浴海
中天宇淨若指眾星本熒熒夜輝不敢儕我性厭喧雜豈能與
俗諧雞鳴眾人起我復扇高齋臥持平旦心恐爲視聽乖

題吳伯玉山水幃子

畫作于萬曆辛丑

吳生作畫萬歷時一百五十六年我見之人家何代移入畫中
住村莊姓族皆未知樹中堂戶綠陰滿屋後屏幃蒼苔滋衣冠
質樸意態古人與喬木同風姿居士開關埽黃葉扁舟載客登
漁磯茅亭二叟撫琴坐欄水瀲灩鳴漣漪谿橋一丈臥澄碧別
有野翁三五策杖隨山中燕居風日美往來言論難尋窺胸無

機事酬接簡真趣醞釀無嫌疑雞豚桑柘結春社爐嵐暖澗和
風吹想見畫師把筆意矜重不謂後人山墅風雨泥牆垂我亦
翠微深處有破屋把卷樹根無不足境移讀畫一低顏前身原
在畫中閒

送李同侯侍郎終養還安溪

心懸魏闕臥江湖護樹長春足自娛樂府應傳洗兵馬夏官曾
佐簡車從台星久已寒霜栢履道從今集孝烏曝背南榮愛冬
日和他父老話唐虞

茅鹿門寄其子章邱令家信墨跡卷子題後

武侯誠子書顏氏傳家訓至哉修齊理條舉曲以盡讀書貴致
用治術苦難進名備生歸安循吏業稱駿兵農禮樂意源委各
疏濬宦成子登仕肘縮章邱印老翁縱筆書治譜列音問藹然

仁人言愷悌發忠信哀矜惻怛中一一經術醞製錦有義方流
風播仁聞析薪子克荷兩馮可同論兒孫寶手澤遺墨含秀潤
詞條挺堅蒼腕力韞嶄峻想其握管時纏纏若游刃刀筆筐篋
徒武健恣蹂躪雖登考績書死後等灰燼直道本三代民氣故
可振舉此勒學宮庶以理縣郡

喜汪菴雲至三首

君隨北斗柄言渡桑乾河林際馬方歇卷中詩已多執手客顏
好登堂人意和年年士不遇從此罷悲歌

初攀薊門柳不見黃金臺慷慨風雲色飄零管樂才迹隨古人
去君及暮春來原有招賢閣從容待汝開

同時文字友十載鶴鴿心倦鳥將投樹夫君始出林交從貧賤
齊詩以性情深天意踟躕極還當報苦吟

陶字中

其條

比部病後移居輦雲榻至書寄四韻

八載官將改相思友竟來誰聲親小巷銚影豔深杯卻埽琴書
靜相依仲季才庭前風日美還報紫荊開

題石谷從孫二癡居士畫冊九首

竹勁而便娟石介而大壯兩樹對軒昂俯仰成倔強同有貞固
心相友不相讓可憐蒲柳姿當秋獨惆悵

歲寒小景

夏山蒼翠常如醉中有北窗消暑人
浙州竹簟邯鄲枕晝裏何年著此身

夏山小幅

清味澹如此故宜窗戶橫亭虛受涼月籬短過秋聲桐似高人

立詩從靜者生當年讀書處苔蘚最分明

桐陰書屋

思翁畫筆如其字蒼秀中含靜婉姿十載胸頭萬青壑到來忘

記是何時

仿董文敏山水

老顛墨淋漓洒作一山雨走筆南羊來濕雲吹不去歌樓與客

舟我夢落何處展卷憶僧廬影對一鐙語

仿米山

樹石蕭疎若並肩春秋閱盡不知年醉中誰吐枯腸角酷似東坡雪壁邊

石脊濃堆太古苔樹根橫臥氣崔嵬十年閒煞黃肩弩欲伴將

軍射虎來

枯木竹石

酒醒孤篷底舟人夜語時潮來身命賤雞唱夢魂知壁峭波迴猛江空月下遲平生飄泊慣對此欲悽其

秋江夜泊

桐廬江平鏡出匣龍子陡穿青玉峽一嚴一謝生死之遂令山名傳畫法瓊溪腳迹未可尋當時入山何不深叢祠換取漁郎

屋可是披裘男子心

富春山

送陳恕堂

寺識

赴三衢巡道任三首

雁塞與秦中冰衙兩雪鴻天憐親舍遠官注浙江東節鉞三城
拱家山一髮通桐君應拊掌迎汝白頭翁

立政操何術初官重此身常存在山志本是讀書人巖壑含清
美閭閻愛好春衢尊如可設同飲使君醇

澄慮戒紛擾靜觀心白閒人來姑蔑地花放富春山燕寢好風
合衙齋晴翠環從容畫清影紅燭簿書閒

述懷二首

久將泥絮比風情幻影空花雜想平到眼春雲何處止閉門秋
氣有時生才多畢竟歸才盡宦薄終難望宦成飽食晏眠成坐
廢幾人身後得高名

醉夢虛聲未可居百年勢盡等焚如高談道學能欺世纔見方
隅敢著書茶齋苦甘生有數蜩蟬清濁事皆虛三年窮到無錐

立慚媿先生鼠壤疏

送黃蘗邨太守三首

笑擁朱幡益部東，鐵橋金馬控提封。
雪山寒藉和風解，麗水金宜大冶鎔。
負弩定環高軾拜，執經應有外夷從。
由來教養兼師保，爭賣弓刀事老農。

疆分井鬼越嶲開，棨戟威嚴接上台。
黑水波恬兵衛列，白蠻書譯吐蕃來。
漢家太守多名將，絕域官符等迅雷。
坐使南金歸職貢，舊時蒙段敢相猜。

忠孝原從至性生，彈琴曾聽不成聲。
廿年姓字循良傳，五十悽愴孺子情。
官署樓題北顧行，廚詩又續南征王。
陽叱馭增奇氣，知異當時喜懼并。

賀病篇次歐陽可堂韻

方丈披戒衣不受佛花暎生遺身或存損積心益柄項癭與齒
黃蒸染算不應精神衛形骸猶國受君命得官每夢尸養生輒
多病寸懷絕愧忤二豎可驅令歐君窺道要新語發篇咏上藥
彼何物美疾亦我性嬰怒而就烹文華豈云聖鏡機工文辭僕
病未能聽君言勝刀圭奚翅仁者贈朝餐齋粥共夕醉銜月並
守一養以和世累不可亂我聞凶悔吝迭勝若覆杯愚人死安
樂造物各有偵外強中已乾響黻飾優孟勞生息以死得病庶
幾靜祝君疾復作額手乃交慶

再和

熱客投冰壺顏色不相映墮戶寡酬接齊物一歡恹兒眠列鼎
足呻吟漏籤應官貧重骨肉老幼實共命母病始稍甦婦勞益
成病僕媪皆患渴無以給使令思繁違曠懷愁劇輟高咏忘寢

坐階月憐情本天性乃知兒女情足以累賢聖隣翁效雞卜竈
婢爲鏡聽紛紛吉祥語慰藉作投贈我生命窮澣憂患與生並
天意或深厚人心且迷亂常恐混黑白偃仰入碁枰區豈義利
界杜絕鬼神偵兒頑雖過陶母賢竊比孟起居得安吉花木亦
閒靜諸雛霍然起酌酒爲親慶

雞蟲

靜者樂冷澹于秋意常許每當清曠中蕭然見延佇垂檐翠濃
合當檻菊新吐幽蝶戀晚香揚揚抱風舉惜花一童偃得偶兩
雞伍物理各有適妙悟自含語

送張廉船仲子落京兆解游關中

窮官賃居蝸戴殼旅客讀書烏擇栖豈無几榻著佳士卻少窗
戶安談雞同邑張生又媼媪禪而北來面色黧斂門酒澆愈執

友山堂一楮人慘悽疇昔見君駒落齒頭角向翁鹿引麋今年

二十富文史江海瀉筆不可隄鳳鸞反虎豹立斑斑文采垂

虹霓勁力欲持造物轉直氣可使南山擠君謀習靜掩虛白我

犀暄雜兒女啼留賓難拓十笏地飯客枉儲一罍齏可憐襪被

就師友兩月三徙南東西舍人愛才忘貧乏

趙雲神舍人伯廉船于家

瑞除旁

舍開竇圭爲君適館授以粲令我顏厚如塗泥塢來才子效伯

伯請張商

出則肩比入手攜夜鐙快論雜嘲謔三陣犄角譁鉦聲

和而不同君子友豈等狎暱相訶詆我方桎梏困文字筆囚硯

獄刺昏羈有時脫身整步履酸醜爲汝調鹽醢服除應試忽報

罷二張一黜時命齊用才之地不得住卻縱兩馬關隴嘶致身

終見蛛挂網感遇算歎天無梯微時哀怨亦同調達後憂患寧

分畦不如瀟洒度函谷倒挾胸臆供揮題壯游歸去治先壟松

秋手植笙鐘谿篝鐙夜侍母勤績挂經朝佐兒扶犁人生孝友
便可挂青史况君他日氣力吞鯨鯢山中若見北來雁當念趙
蔣愁眉低秦州以後有佳作寄刮塵眼如金鏡

南池澆香圃爲沈椒園

廷芳

觀察題二首

二老同龕孰與爭長庚猶傍女牆明江山舊迹今如是李杜前
身或再生畫戟香濃開燕寢碧廊陰重放蟬鳴六年碑宇新苔
長還許詩人念客卿

池館涼波古雪堆平鋪枕簟就高槐階前乳竇玲瓏瀉檐際風
帆轉側開別壘旌幢鴻爪迹虛堂鐙火古人才汴州雲樹流風
在重爲三賢上吹臺

吳菘圃

環

舍人移寓珠艸街與子隔巷作詩柬之

人海儼屋如泊舟隨風著岸不自由偶然隣舫接故舊但願打

頭吹石尤舍人同舉十三載江湖出沒隨處鷓鴣東西南北意俱
盡世網束縛魚銜鉤比年仕宦鹿麋聚兩心臭味荃蘅投憐君
入直太忙迫寓扉虛掩或暫休兩窗月檻寂寥坐鐙前讀書庭
院秋我來浩歌共排遣箕斗插檐光射眸立身各具竹石意下
筆懶爲兒女謳晝日三接童僕喜經旬不見琴酒愁君家秋燕
忽到眼掠檐一過如星流移巢隔巷似相語敏門失笑除百憂
畫中堂戶足深遠簾底花木含溫柔曲房似解媚幽獨暖意已
覺生衾稠孺人油壁整秋駕蛛絲靈誰占可求禮云婦挈柅榛
栗兩家應各儲脯脩與君久託鵲鴿侶姊姒亦當鴻雁儔蘋蘩
蠶績一勸勉頗似文字相校讎虺蛇倘肯效吉夢吾兒定作關
關鳩明年我去君獨留蜻蛉一縱不可收檣烏北海望南海我
屋與君風馬牛

門人石生餉菊爲屏戴篋圃同年來觀并貽長句依韻

奉答

誰道花枝伴枯稿步障橫陳麗人好歎芳絕妙鬪嬋娟居士蕭
疎自嫌老朱門歌舞蘭麝吹餐英不入秋堂思朋來我赴山簡
會酒闌客逸淵明詩冷香著人愛黃素蜂蝶所爭懶迴顧霜中
折枝不受春鐙前取影尤宜算葵心出土卽向陽蟋蟀入戶還
上堂將身感序對屏菊低亞亂堆差免俗期君一日一度來右
手把筆左舉杯遣秋且復和衷哉

東翟依岩舍人三首

下直君如退院僧經句獨處若無能轅駒眞愛主人嬾庭雀欲
爲居士朋仕宦蕭閒因見拙年華荏苒竟何稱緇塵火熱車輪
轉誰要先生腳踏冰

悲南巷北隔橫街各枕枯桐閉小齋壁上山教飛夢過花時眼
爲讀書指逃禪孤坐一鐙牖守道曲全千古懷拂鏡開眉還失
笑自呼名姓作乖崖

端居自奉影形尊竭慮常愁志氣昏晝寢難辭尼聖責貴游應
笑翟公門蒼鷹祭鳥名真美樹艸爲螢燄亦存漸解平心看月
令物情空與化工論

汪輦雲落京兆解南歸長歌傲山谷體送之

少時筆硯兄弟親可憐無力轉鴻鈞同輩三五有起伏君獨苦
吟長賤貧十載慰君五脫解瑛藜刺心艾炙身每聽風雨泣寒
雁輒念江湖減困鱗君來辛苦入太學氣極秋冬當換春明鏡
夜照故舊影愛君歡喜雜怒嗔書生氣猛不可屈強力壓制寧
見馴翻杯覆局駭童婢正色凜然來鬼神須臾和溫泛美釀清

辣味厚原最醇行年至強乃可仕古人則然今豈屯我懶閉關
抱六籍君來不迎去不聞承歡坐我老母茵婦具廚饌兒析薪
天末鄉人等骨肉況復知己同斯文高談廢事忘日夕對飯不
知誰主賓秋風吹榜復報罷令我心死同灰塵花前爾淚墮何
處我家愁歎驚四隣有司恩雒本烏有造物播弄知何因翁子
五十始富貴人生有才終得伸所嗟襤被逐萍絮未能柴關鎖
松筠明朝相送別歧路我腸隨汝回車輪

送李載菴

敬贖

同年出塞省親二首

三年兩度出關行短後衣乘疋馬輕萬里穹廬親舍遠九邊沙
磧塞雲平州低大漠牛羊見人獵長城虎豹驚併入天涯游子
目據鞍凝睇不勝情

羶帳燈明忽作花白頭低照鬢絲斜征人出塞依行李成客愁

期感及瓜歸夢南飄思骨肉臣心老去戀京華那知雪捲龍堆
外重見飛來返哺雅

題姚白河聽雨小照

懷鄉感遇悵離羣醞釀新愁到幾分可惜華堂箏笛耳秋聲如
此不曾聞

題韋約軒

謙恒

舍人翠螺讀書圖二首

各有幽栖地追思最可憐
出山殊志趣飛夢戀江天
碁局爭先手官袍不在船
誰知郭功父原是李青蓮
能圖石牛洞只有李公麟
退院僧應閉前修佛自親
書聲來半夜鏤影過西隣
舊學商量處依然盡裏身

徐傳舟移情圖二首

詩肩危聳玉山孤
島嶼周迴雪練鋪
海國波恬諸嶺寂
成連舟

去此聲無七條瘦玉魚龍聽一葉輕航李郭俱試問紫裘吹笛者可能彈指伏天吳

雪捲枯槎巨浸中鯤鵬搏擊過方蓬戴丹鼈化一拳石渡海客憑三尺桐變境呈時諸象出驚魂定後萬緣空由來道力勝憂患還藉絃歌壓颶風

垂釣圖

結夏千章木消閒一卷書本來心似水誰道我非魚鉤直夫何取機忘信有諸言尋釣鼈客載訪涓濱漁

同年戴匏齋

文燈

禮部菜根書味圖二首

庚辰

昔時宴坐此圖內佳日讀書雙樹閒齊麥共憐君子守雞蟲無碍圃師閒習靜園林眞瑟瑟照人文彩自斑斑菜花開落年光換展卷還應一破顏

短籬如放夕陽晴
篔水似鳴環珮聲
誰煮雲腴澆舌本
笑靡空腹飽藜羹
文章禮樂當官事
邱壑詩書出世情
只恐拋荒荷鋤手
蹇驢車上過平生

送徐盞山下第還鄱陽學博任二首

北闕陳書又南宮
報罷仍寧同士不
遇常恐世無稱
君子擅憂戚文章
無廢與何人誇
早達此事古難憑

好春容易去
況奈別情何
老懶新知少
銷沈壯志多
繁憂散行李古
意滿關河
可惜飛騰路
年年感逝波

題茅鹿門訓子書卷後二首

大筆蟠天地
神應與護持
纏綿生豈弟
惆悵到聞知
妙墨兒孫守
嘉謨長吏師
老懷孰利濟
想見作書時

屈鐵爲波磔
長松曩壽藤
揮毫本心正
沒世故名稱
一字蒼生

繫殘縑浩氣憑何人速官謗甘負讀書銜

題劉館樓望月圖

三絕畫書詩乾坤放眼時豪吟向京國息羽借卑枝才妙縱橫
見官廳洒落爲如何壇坫裏特地見君遲

忠雅堂文集卷七

忠雅堂文集卷八

詩八

鉛山 蔣士銓 心餘

題秦礪泉學士柴門稻香圖

與君昔同田間來，舍鉏藁經辭江淮。樓遲未肯戀十畝，意思直欲窮九垓。公車數上境蹇澁，老農屢報田汙萊。是時山店飽香飯，坐羨野翁擔秫枕。穴穿光魚貫入世網，挂士蛛絲排數椽。僦賃落湫隘，一車閉置衝塵埃。妻孥食祿免行饑，提甕豈願東臯借。少年結習老不忘，微時託處心每懷。布衣躬耕臣潦倒，豐年擊壤人和諧。樓鞋桐帽故態出，竹籬茅舍新圖開。門前禾熟叟腰鍤，屋角酒香隣舉杯。鼻觀潛通稻花窟，夢魂遠接江鄉隈。知止心當念廬井，受恩身敢還巔涯。此情達者亦俱有，山嘲隴咲真類詆。有田于義不可去，况公與我無田皆。

又題礪泉種樹圖

中年百事皆飽諳懷抱所向知苦甘閉門奇石作儕友繞身美
樹爲兒男圖書古香爽氣接戶牖靜妙天機含主人晏坐無客
談役使童僕分兩三或攜耒鍤或餅甌氣力巧拙雜秀慙種植
理深或未解培灌習慣俱能堪本根不傷土脈固雨露欲滋筒
溜涵楸羅五株豈易得槐列三本真嫌貪榮華一仗秋氣肅秀
發乃過春風酣先疇勤苦驗多稼析薪負荷期能擔堂垂嘉蔭
意可久息避惡木心無慙置身已除少年想託志何必長林耽
永叔稱翁歲未老淵明責子樂亦湛旣欲其生實欲可求火夜
照聲咕謫人生子弟要佳耳老諄不念徒耽耽心田耕耨倘無
倦他年喬木應森參

黃鶴谿

燁照

舍人以相馬圖索題但有馮某一記未見

圖也書此以報

相馬之圖洛何處試玩馮君記圖語一奚引馬顧其主主人科
頭倚高樹馬立矯矯樹不如相者何人城北徐我聞地用莫如
馬響霸而來幾圖寫世無孫陽相馬經不知圖中主人所師是
否西河子輿東門京畫師身可作馬形其法可備儀氏帛氏及
謝丁都護青驄豈得見鄧公廡底不須定爲房駟精十二閑中
雄姿柔德漫顯品可憐塗泥驛傳馳者負者馬足評年來西師
轉戰數萬里就中汗血之馬千匹萬匹爭立功與名天山嘉禾
供芻秣長城海水飲罷還嘶鳴絕塵滅影奮奇逸卻顧花前陌
上歎段執重輕若借相馬之法觀人恐未合請舉東萊妙議可
以非荀卿王充辯相頗辭費此論未許名爲衡莫使丹青凡手
寫凡骨幾人親到渥洼窟請君來相大宛所貢充滿濯龍廡方

知出羣之物不在肥與瘦

陳時若 奉茲 同年官蜀中令次韻餞之二首

飛揚老兄弟十載幾離羣得第真嫌晚當秋卻送君循良千古業治理六經云那可耽詞賦輕談玉石分

聞道空舸峽陰崖轉側晴布帆無恙去蜀道未難行官稱詩人地秋宜白帝城文翁本何術常是一編橫

辛仲家弟 熊目 要同人為文字之會次泰初舍人韻

底須膠漆說雷陳同姓招攜不厭頻腳迹吾家原故物頭銜明歲盡新人他年宦海當求岸如此秋光忍換春願逐酒龍長夜飲拍浮三十六金鱗

疊舊韻東南隣韋約軒舍人

隔院聲聞宛一家坐堪同席出同車經廚過訪應無閒人海因

依卽有涯撲棗未須防婦拾乞醯猶可倚僮賒春來喜送窗前
艸佳兆應生閣下麻

卽事

翦將秋水作瞳人喜有精神大過身失乳重憐爲母苦多男倍
覺在官貧

七月二十六日四兒斗斗試周戲成

堆盤列几試貪廉探手仍將兔穎拈慧業根芽何必爾儒生風
味正無嫌若與三兄分硯席定從老子乞書匳他時學畫葫蘆
好休似迂翁筆陣嚴

送羅旭莊

通春

前輩典粵東試二首

赴闕重依講幄旁朝衣將點柏臺霜持衡忽奉樓船使過嶺非
同陸賈裘十乘明珠生越海一星南斗應文昌靈槎直泛秋河

下不用仙人五色羊

笑持使節過鄉關父老歡迎太史還竊比臣心文字水最當人意吉州山故園風木休縈夢歸路梅花足破顏載取炎方珊瑚到扶桑曦彩耀朝班

京師樂府十四首同吟鄉作

吟鄉作詞子作詩也

弄盆子

先擲一盆當空起再持一竿楷盆底竿頭盆轉如旋牀持竿之人目上視竿竿銜尾次第續忽直忽彎隨所使露盤端正向天承蓮葉偏翻任風倚竿人舉趾飄驚鴻疾行緩步仍從容乃知持竿若把筆收撒頓挫皆中鋒有時作勢令盆滾竿欲離盆盆自穩暗裏抽竿盆不知仍騰一竿相播引以竿植地足挽之雙手合掌不肯持回眸視盆尚旋轉宛若天龍獻鉢隨禪師須臾

竿繞肩左右優曇亂開珠四走旁人驚恐彼失笑益乃完全竿
脫手吁嗟乎爾作游民身手利何不從師舞劍器不見飛仙肉
身名沈光軍中共拜王鐵槍

畫新楊

小楊口伎以藝名喉中能作百鳥聲畫蒼黃雀與白翎啁啾求
友分重輕魚鷹掠水吹水鳴鸚鵡嫌籠索鈴鷄雛入罌乳狗
爭狗母受撻雞母驚每當風日佳時使作伎但覺花間現跳
擲嗾新晴鳥學人聲語言好人爲鳥聲喉舌巧轉喉觸諱彼爲
誰可謂人而不如鳥

象聲

帷五尺廣七尺長其高六尺角四方植竿爲柱布作牆周遭著
地無隙窗一人外立一中藏藏者屏息立者神揚揚呼客圍坐

錢入囊各各側耳頭低昂帷中隱隱發虛籟正如萍末風起纔
悠颺須臾音響遞變滅人物鳥獸之聲一一來相將兒女偶偶
暱衾枕主客刺刺喧壺觴鄰隣詬詈雜雞狗市肆嘲謔兼馳驟
方言競作各問答衆口嘈聒無礙防語入妙時卻停止事當急
處偏迴翔衆心未厭錢亂撒殘局請終勢更張雷轟礮擊陸渾
火萬人驚喊舉國皆奔狂此時聽者股栗欲伏地不知帷中一
人搖扇鼓掌吐吞擊拍閒耶忙可憐纔帷之客用耳不用目塗
說道聽亡何鄉顛風忽縮土囊口寂然大幕垂蒼蒼

唱榴子

作使童男變童女窄裋弓腰態容與暗迴青眼柳窺人活現紅
妝花解語慙來低唱想夫憐怨去微歌奈何許童心未解夢爲
雲客恨無端泪成雨尊前一曲一魂銷目成看語師所教燈紅

酒綠聲聲慢促柱移絃節節高富兒估客逞豪俠鑄銀作錢金
鍍肩一歌脫口一纏頭買笑買嗔爭狎褻夜闌卸妝收眼波明
朝酒客誰金多孩提羞惡已無有父兄貪忍終如何君不見鶯
喉一變蛾眉感斜抱琵琶定場屋不然去作執鞭人車前自理
當年曲

兔兒耶

月中不聞杵臼聲擣藥使者功暫停酬庸特許享時祭搏泥範
作千萬形居然人身兔斯首一半人身究何有持錢入市兒喧
譁擔頭爭買兔兒耶長須闕口供玩弄可惜官人無角牙中山
盛族管城派消得鎗筵小兒拜漫營三窟逞雄狡終見一朝成
粉碎君不見狸頭破敵稱上將麝頭求官作奸相驪頭食魚頰
自豪魁頭逐疫顏何壯吁嗟乎昌黎先生傳毛穎老而恩衰謝

人境泥牛入海杳然閒一過中秋便無影

戲園

三面起樓下覆廊廣庭十丈臺中央魚鱗作瓦蔽日光長筵界
畫分眈疆僮僕虎踞豫守席主客魚貫來觀場充樓塞院簪履
集送珍行酒傭保忙衣冠紛紛付典守酒胡編記皆有章礎刀
過處雨毛血酒肉臭時連士商臺中奏伎出優孟座上擊磔催
壺觴淫哇一歌衆耳側狎昵雜陳羣目張雷同交口贊歎起解
衣側弁號呶將曲終人散日過午別求市肆一飯充飢腸我聞
蒼者示儉有古訓惰游侈逸不可無隄防近來茗飲之居亦復
貯雜戲遂令家無擔石且去尋旗幟百日之蜡一日澤歌詠勞
苦歲有常有司張弛之道宜以古爲法毋令四民一一皆若狂

雞毛房

冰天雪地風如虎裸而泣者無栖所黃昏萬語乞三錢雞毛房
中買一眠牛宮豕柵略相似禾稈黍稽誰與致雞毛作茵厚鋪
地還用雞毛織成被從橫枕藉耐麪滿穢氣熏蒸人氣暖安神
同夢比閨房挾纊帷氈過煖館腹背生羽不可翔向風脫落肌
粟高天明出街寒蟲號自恨不如雞有毛吁嗟乎今夜三錢乞
不得明日官來布恩德柳木棺中長寢息

冰牀

九門一夜頗黎合玉帶彎環抱城腳冰牀出碾輕綃痕月無檣
艣車無輪無輪無箱不偈仄放溜飛騎收不得如蛇赴壑箭出
弦不利偏頗宜正直止水可涉冰才能無足而來牀氣力未煩
杯渡鴨頭波已覺身游水精域陸行鬪捷車苦遲共鼓貨狄那
得知輿夫莫漫耽耽視且看東風解凍時

潑水卒

城內天街淨如拭老兵潑水有常職
軟塵不飛帶餘潤風伯揚之無氣力
汎埽反道見禮經負土抱甕兼守更
司寤掌夜比都候宵行夜游分以星
街心餘埽如鏡平驅馳但許官車行
微風細雨真堪樂坐對軍持怕久晴

堆子兵

街心巷口屋一椽鎗槌插架弓矢懸
地分營哨碁局布法本亭候臂指連
老兵佩刀兀然坐坐倦頽然枕刀臥
反裘執鞭亦壯哉色動九門提督來
朝來愁雨復愁雪鏟削塗泥出雙轍
晚來戴露還戴霜傲爽風透寒莫當
煤車過處兵相笑稅之一撮非爲暴
市人爭闕兵解之彈壓行路守伏屍
轉更聚喊發高唱擊柝吹螺遙守望
千門萬戶熟睡肢體舒獨有堆子之
兵如鯨魚

搖鈴卒

衆卒守夜如鰓魚一卒擊柝巡街衢破帽籠頭冰滿須做裘反
穿折腰驅臂後挂鈴牛鐸如一步一搖還一趨以柝按節聲疾
徐二鼓將盡三鼓初人家開門咲盧胡半夜嚴飈透肌骨忍寒
出看搖鈴卒一回跳盪與一錢柝聲鈴聲共狂顛兒童咲倒籠
鐙邊可憐昏夜營求之態亦辛苦不如白晝人前八風舞

唱估衣

古廟官街各成市估客衣裳不在筭包囊細載重如山列帳當
衢衣滿地數人高立聲噓呵唱衣價值如唱歌相誇奇服極意
態千衣百裳身上過手足將疲唇舌燥欲賣還看衣帶票短長
寬窄稱其身締繡文章從所好衣新衣舊閱人多人往人來取
衣較形骸土木原可憐牛馬襟裾或相咲

縫窮婦

獨客衣單襟露肘雪中凍裂縫裳手檐風吹面身坐地兒女爭
開嗁哭口夫難養婦力自任生涯十指憑一鍼狂且或動桑濮
想蕩子戲擲秋胡金君不見紅粉雲鬟住深院雙手不親鍼與
綫咲他女兒性癖習女紅窮人命薄當縫窮

唱南詞

三絃掩抑平湖調先唱攤頭與提要高談慷慨氣巖豪細語纏
綿發忠孝洗刷巫雲峽雨詞宣揚却月批風貌冠纓索絕共歡
華玉筍交頤極傷悼密意感人最慘悽談言微中真神妙君不
見杭州士女垂垂手聽詞心動鸞鳳偶父母之命禮經傳私訂
婚姻小說有

吳二袍

寬

舍人贈方氏墨並索題句

辛巳

舍人贈我蒼玉璧紋若元犀堅過石睛窗磨試光黝兼但覺煙
雲吐靈液我生守晦寡嗜好熙載昌言等奇癖惜命不如崔老
融奪好差同李公擇譜經所記亦勞如南北宗門分系脈廷珪
以下十三家耳食誰能強稽核唐時墨官職已廢潘谷沈珪猶
踐迹陳惟達靡篋難侵朱萬初香人共惜易水遷移重歛派祖
墨應難萬金易羅方手製已罕觀而况蔡瑄景瓊之遺焉可獲
我聞高奴石脂采已盡遂以松煙競標格斧斤所向分棄取林
木呈材互因革膠煤歲久乃凝固所以犀角魚胞光奕奕舍人
之友密菴氏列竈燒煙肩是役齋題茹古媿曹吳力抗強宗制
虞號建元遺法等家訓六義五象加潤澤鎮庫應防供搜討八
水定知無裂磔賤新貴舊有常理他日視今猶視昔我無文字
服絳人不解草元分黑白班孟王遠太狡猶聊學滕蘇飲空碧

舍人囊中亦何有圭者珽者珮絡繹贏得途間傲鄙夫壓制縷
紋刺三百

羅旭莊前輩寓齋丁香始花招同人小飲分賦

堂虛畫簾深院靜春風度朋來玉堂客花發丁香樹短檐交綠
陰疎牖翠芳霧婀娜左右列蓓蕾參差吐紫綃倚霓裳霞裾綴
瓊璐氣馥耶官含枝柔美人護蕉心荷共展桂性亦同具名能
佐百藥根本絕羣蠶尚書手所植草木亦成故依人齊兩肩夾
砌並雙跗觀其纏縈情似客相愛慕尊前兩歌者嬾嬾蠻與素
持觴唱玲瓏翠芳池甘露回眸花影亞接袂香颺互幽襟好月
照青色紅鐙助酒鱗沁餘馨絲竹發深趣留髡斗石盡投轄更
籌莫攀條花欲睡拾筵春還駐醉看帽檐斜蹣跚插花去

德州趙叔常

大經

以鄉人畫鶴鵠屬題

我聞鸚鵡不踰濟魯人寫生乃如此偕遊不共白鳥籠獨立却
與蒼鷹似丹青花鳥未多觀鴻鵠山雞等聞耳林檎便面出裕
陵元吉蘆花傳畫史君不見子舟之筆利如錐不材爲福語亦
悲韓公感賦亦何有荊州餉客母乃癡吁嗟乎轉喉觸諱多辛
苦舌在何煩學鸚鵡但將畫幅挂田廬地有蝗蝻借君捕

同年薛補園

寧廷

乞假省親樂陵戍所同人書冊爲餞

兩度彤墀對問時似聞天說挺之兒父名竊感

宸衷記臣罪惟應

聖主知代戍身留空有子陳情書奏却憑誰木蘭心事緹縈恨
不忍看君泪雨漉

王燮堂春郊嬾牧圖

老牛不受黃金羈况被文繡充廟犧
斲草春塍礪雙角舐犢樹

陰俚兩兒秧針刺水風日暖彼牧何人似牛嬾麾之竊喜鞭箠
閒勞者相憐筋力緩江鄉老農歌豐年門外白水連青天爾收
不占夢中語此意隱向圖閒傳君昔牧民得牧理至今牛羊共
歡喜疲來忽動曳尾心寫去應傷牛後志千金之幣服紺轅屋
角偃臥輸烏犍乃知耕耘牽挽之債有定分不見出關青兕僕
僕馱神仙君云兩犢卽吾子千里之駒何必爾是牛是馬數則
然角挂遺經背書字君不見長江浩渺萬斛船安穩不如牛背
閒今歸去訪牛眠處可似當時抱犢眠

葉紫珊 敬下第南歸索詩送行

力田可逢年磨盾可從軍市門倚者誰不如刺繡紋喪馬未云
禍覆鹿或忘羣蘭膏以明煎蕙艸以香焚致身亦有時用志戒
其紛夫君南州彥讀書貫邱墳朱顏被鄉舉文采耀垓垠羽毛

亦已豐顧盼生青雲名駒一再蹶長嘶惜筋骸然厭徵逐歸
然舊窗芸從容本無益守道良足欣吾鄉尚風骨規矩垂先芬
管諸拙工手難運巧匠斤君爲六月息閉戶功可勤養雞與承
蠅豈必爭紛紛絢爛返平淡矜躁等醞醞盛世無棄才底用悲
劉寶

送陳澄之

灑

孝廉還商邱二首

尚堪將母臥夷門襟上何須點淚痕
逆旅相關惟舊雨盛年差喜是朝暾
無窮至味憑書卷難遣繁憂仗酒尊
目斷楊花飛雪苑河聲嵩色最銷魂

照人光采比干將驗氣誰贈北斗旁
蔡澤問年心本壯陳平看鏡貌非常
經春別夢橫幽朔一寸愁心滿大梁
可許枯查泛伊雒與君兄弟坐沙棠

謂令兄整之太守

和彭芸楣

元瑞

同年移居詩二首

生白剛餘斗室虛，榻來舊雨對牀居。
已拌痛飲消長夜，忽漫移家關小廬。
抱膝久耽人外想，低頭還讀館中書。
柴扉犄角延三益，夾巷招攜不用車。

觥籌棋局任天真，周北張南步履頻。
原毀本無韓子筆，閉門初絕庾公塵。
相依各叩尊前志，屢空俱留賤日身。
料理齋鹽堪永夕，一鐙分照骨嶙峋。

送王燮堂還丹徒二首

十載挂高席，緬懷京口山。故人淹吏局，
江水自潺湲。我折琅邪柳，言從魯國還。
不知頭上月，分照使君顏。

鐵轡咽江聲，驚濤下廣陵。關河諸友隔，
詩禮兩兒勝。吳母烏盈樹，懷人雁一繩。
浮家他日約，應有闐風乘。

苦雨卜牆戲東北隣草五舍人

初疑落奔雷再疑馳礮車三日卜兩堵二宅成一居舍人我同
心卜隣半載餘月輪兩餅金各負一蝸廬櫺連鱗瓦接檜合蛛
網紆側耳聲聞通入夜守望俱蛩蛩恃或然駭鳴婚則無豈惟
水火求每感疾病扶臥聽兒女嘯靜誦古人書夏霖淹浹旬牀
下將生魚性情戒屏翳託處空空虛土崩開隔去墁毀遮蔽除
料非神鬼瞰頗類穿窬劊商君破井疆陳仲隳廉隅長城究誰
壞短垣寧自踰毋乃子產猛其或干木迂知命信無咎處堂何
必愚幾同羊觸藩竊懼豕負塗點睛怨僧繇立壁慚相如六月
雨不止數椽恐成墟及肩可窺君捧腹真笑予汲婢慶合簪爨
媪欣連裾主人互約束盡地分域區臣僕不踰境勿雁春秋誅
君仲有新婦綠窗定踟躕扇戶垂房櫳閉置如在輿君有兩嬌

兒毛羽雙鴛雛中庭問詩禮我子堪陪趨城府既不設畦畛詎復拘別嫌禮則然交謫語亦俞仁政始經界畊者敢睢盱陰霾苟驅埽版築盈街衢君當效旁求落以吾家廚舂睫起屏幃糞土加聖朽且爲樹塞門居然兩夷吾

晴

朝曦黯黯漾簾波人意天光一樣和蟬響暗移嘉樹美瓦鱗濃放濕煙多遙山滌翠鬢新沐積水涵虛鏡乍磨便有官人強馳逐驢車門外沒泥渦

家人

窗櫺曲尺午風徐埽地常教鏡面如老嫗暫騰聽詠歎小鬟纒醜罷妝梳推枰尚戀全輪局插架猶多未讀書愁看嬌兒支病骨瘦妻曉眼最關渠

五更

讀書一室古人滿看月五更清味多洗滌我懷加冷澹牽連人
海尚矐此濟時勦業應難必學道年光恐漸磨坐數殘星聽雞
唱曉風頻試骨嗟哦

讀史

讀史鐙前率性真每當快意笑還嗔關人解聽談忠孝午夜追
陪泣鬼神徽佩相看俱惘惘雕麟每問亦津津茶巾愛學儒冠
腐故與梁鴻作主賓

醉醒

醉闌星斗落空階醒看風雲入壯懷木榻深空幼安坐蒲團雅
稱太常齋愁中補履收名劔興到敲壺折古釵難覓菟裘與終
老此身還借亂書埋

斗兒病劇

兒女情猶未盡忘，寒帷忍看阿侯庭。雪膚全減存山骨，曉眼微
開避日光。乳失經年糕作餌，醫窮衆手藥堆囊。最憐病婦垂雙
筯，終夜奇聲繞曲房。

略記

略記兒時病不勝，可堪慈母耐凌兢。燈微夜怯釵蟲化，鑑冷衣
懸淚雨冰。力瘁劬勞衰故早，老無甘旨累相仍。朝衫黯澹今爲
父，只是無言枕曲肱。

尊德會詩爲同年蔡季實

以尊人作

諸叟宴分湖，布席齒讓敦。朋來八耆舊，坐有三達尊。几杖帶煙
霞，饋醕羅兒孫。我讀嘉會詩，如觀集西園。深衣冠我我，白髮容
溫溫。或仕謝組綬，或隱耽邱樊。或鳴鶴在陰，或抱犢是羣。就中

神仙姿翁實主嘉賓竹石具生理花木含餘春和氣一蒸鬱道
機盎然陳堂上何所有琴瑟連壺尊古樂發天籟真意揚華氛
豈惟鄉黨敬實見風教淳宛如親醉翁陶然倚紅褰時和歲年
豐壽星輝脚雲

兩宮祝遐福輔翼番番臣春融萬年枝熙怡徧垓垠修撰蘭臺
彥珥筆頌義軒藉玩瓊瑤詞益仰詩禮芬乃知尊德堂芝蓋承
靈椿况有龐眉儔歌詠山澤濱年年迎翠華相率康衢民或令
載後車禮養來成均修撰扈講幄得省高堂親執爵醕父執拜
舞顏色欣以茲孝弟意油然而感鄉鄰共欽良宴會再舉道德門
走無龍眠手遙繪黃綺倫作詩附史官直筆臣所云

三里樓邨居圖爲同年顧北墅

雲吏部作

昔年君在畫圖居今日天涯看畫圖縮地應嫌費叟費移山真

效愚公愚江南水鄉何地無樓名三里距白蒲如軍有白蒲鎮溪翁忽抱

艸堂想畫史恰許鄉人摹水如環珮樹扶疎綠塍界畫僧衣鋪

籬落春帆嬾娜卸堤腰繡壤參差鉏就中成室蔭修翠人外小

築開林間赭牆周遭隱衡廬檐楹向背結構舒門前老屋三兩

俱牛羊倉廩然非歟邨農渡礪酒旗漾穉子埽葉漁歌呼門內

堂廡曲尺如小樓突兀堂東隅逸老所巢思前儒堂後竹石奇

秀儲軒窗深隱連限樞堂名貯清旨趣殊好風油油萬象蘇左

曰熟睡石花雨宛見希夷天女來于中藏圖史琴瑟觚主人

晏坐曾讀書阿瑛玉山此其亞巢民辟疆今已蕪燕居風日每

忽視勞人憂思多鬱紆君今退食念桑梓尚可面壁游枌榆况

有弟兄友朋共晨夕寓齋花木亦足相歡娛憐余典宅泛人海

虛舟從風堪胡蘆一椽蔽身等蝸寄對畫乞爲黏壁枯

九月十四夕夢中作

屋偏藏老樹衣濕散歸雲水氣乘閒出山身向晚分年豐農事
足客到犬聲聞便借茅堂宿無因識隱君
鐙暗雞傳唱涼生月入扉破空人語細行遠寺鐘微地僻消塵
慮心清集道機明朝出山去幽思定多違

寂寂

屢空吾真拙長貧計本疎重衾雙敗絮兼味一枯魚長日蕭蕭
過華年寂寂除平生賤溫飽此志定何如

哭四兒斗斗八首

百藥因兒試三年在母懷眼昏雙濁鏡骨臘一枯蕝落葉鴟鳴
屋移鐙鬼嘯階那知寒月底玉樹竟生埋

乳燕啁啾似哀哀喚母頻雙眸憐久瞋一息苦相親學語如祈

命呼名徧別人游魂與精氣何藉去來身

氣盡猶疑睡形銷豈是懼喪明先及汝喋血死何辜薄福留冠履深恩乞襍褸撫摩經百徧纔冷到肌膚

面骨棺三尺呼兒痛一家撫屍勞祖母掩面別娘耶戲具都爲殉生年竟有涯萬千憐惜意到此不能加

汝兒皆羸弱哭汝繞棺旁共命三雛在同巢一羽傷孩提知死別友愛出天良慘切呼予弟哀哀小鴈行

僧廬開小圃淨土闕黃泉穴坎藏兒骨書名刻墓甌延陵心最苦白傅誌堪傳忽漫成癡絕吾生等逝川

寄壘永樂卷後圖

劇憐新鬼小焉用紙錢多入夢家千步招魂草一窩生空依佛界轉莫任閻羅不願探環再彭殤總擲梭

三十七行年吾生亦黯然無成過歲月多感到因緣繞膝情難

已扶肩夢屢牽纔知思子淚不必讓前賢

皇文集卷八